

on 15 May 2014

**Persatuan Pengurus UNIMAS (PPU) Gives Back: Pertubuhan Kebajikan Anak Yatim Terengganu (PERKAYA)**



Exco Persatuan Pengurus UNIMAS (PPU) bersama anak-anak yatim

Persatuan Pengurus UNIMAS telah berjaya menjalankan aktiviti bersama anak-anak yatim di Pertubuhan Kebajikan Anak Yatim Terengganu (PERKAYA), Besut, Terengganu.

Program yang dijalankan ini merupakan salah satu tanggungjawab korporat sosial persatuan yang julung-julung kalinya diadakan di luar negeri Sarawak.

Program ini dilihat dapat mendekatkan ahli-ahli persatuan dengan masyarakat tempatan dan sekaligus dapat mempromosikan Universiti Malaysia Sarawak (UNIMAS).



Antara aktiviti bersama anak-anak yatim



Salah satu aktiviti

Pelbagai aktiviti telah diadakan bersama penghuni PERKAYA memberi peluang dan ruang kepada ahli-ahli persatuan beramah mesra dan mendekatkan diri dengan penghuni PERKAYA.

Menurut penyelia PERKAYA Tuan Haji Adnan Said, aktiviti yang telah dijalankan oleh PPU amat bermakna kepada 113 penghuni PERKAYA yang terdiri daripada anak-anak yatim berumur 11 hingga 17 tahun.



Anak-anak

di asrama PEKAYA

Beliau berterima kasih kepada PPU UNIMAS di atas aktiviti yang telah dijalankan.

PPU turut menyampaikan sumbangan barang keperluan asas sumbangan kepada PERKAYA dan sumbangan diserahkan oleh Timbalan Presiden PPU, Encik Mohd Husaini Noorjaya Chew.

Persatuan Pengurus UNIMAS berharap banyak lagi program seperti ini dapat dilaksanakan pada masa akan datang dalam usaha membantu mereka yang memerlukan.

Artikel oleh: Mizan Morshidi || Gambar oleh: Exco Persatuan Pengurus UNIMAS

Gambar boleh didapati di Facebook Rasmi Persatuan Pengurus UNIMAS